

楊襄毅公本兵疏議

楊襄毅公本兵疏議卷之二十四

覆陝西總督都御史戴才請改勘牧地疏

少傅兼太子太傅吏部尚書管理兵部事臣楊博等

謹

題爲改勘牧地期至公杜後議以圖永利事車駕清吏  
司案呈奉本部送兵科抄出總督陝西三邊軍務都  
察院右都御史兼兵部右侍郎戴才題奉

聖旨兵部知道欽此欽遵抄出送司卷查隆慶四年五月  
內該總督陝西三邊軍務右都御史王崇古題

國初設立陝西苑馬寺孳牧專備三邊戰馬俵用當時

軍民稀疎邊地空闊故建立二十四苑地連延慶等府後因設立州縣衛所軍民生齒日繁民屯互列疆域既分苑圍漸革止存兩監六苑弘治十七年

前任總督楊一清清查苑牧添設武安苑清查六苑荒熟草場地一十二萬八千四百七十三頃有餘中間

欽賜王府功臣草場及軍民有糧地土明有徵據者悉仍其舊正德十年巡茶御史王汝舟額外誤收牧地二萬餘頃節被軍民告急于巡茶巡按各御史互相執奏嘉靖三十七年巡茶御史梁汝魁誤聽苑寺各官之

言相議受奸豪牧軍之指告不分軍民王府但有指告

盡收牧閒執議奏請軍衛有司莫敢違阻軍民橫  
刑責多逼失業喪生原立牧馬苦塲則被豪強開墾  
殆盡其占種軍民田地王府山塲又十倍往昔若非  
大加清理何以肅牧政以定衆志但各牧軍生齒日  
繁原給地土或不能養贍必須以餘地量爲加增其  
成熟川坡上地量議起科以備買馬又該巡按陝西  
監察御史楊相題七苑牧地 國初舊制載在碑冊  
具有成數弘治年間又該總督馬政都御史楊一清  
丈勘查理額籍甚明後緣軍民雜處侵奪混占相習  
成風近雖委官丈勘事多草率以致紛紛告擾迄無

寧日本部覆奉

欽依咨行陝西督撫及巡按巡茶各御史會委守巡叅政  
苑馬寺卿等官虛心詳細親到臨境務求各地頃數  
分明使彼此屯牧軍民永服無詞又查得隆慶五年  
五月內該總督陝西三邊軍務右都御史王之誥題  
稱陝西苑馬寺牧地先年止有熟地一萬六千頃養  
馬一萬二千匹邇來牧卒占種官民田地及開墾荒  
熟已近八萬所養兒騾馬一千匹且歲俵疲馬脫避  
糧差欲照遼東苑馬寺例以熟地兼配荒地除三萬  
頃養馬一萬匹餘地五萬匹分別徵糧折銀收解國

原以充軍餉抵減十例本部覆奉

欽依將苑馬寺覆丈出牧地通融計筭除養馬一萬匹外  
所餘熟地五萬頃分別川山坡三等則例如議徵糧  
折銀共銀四萬五千兩收解固原兵備道充作軍餉  
抵減年例又該巡按陝西監察御史褚鈇題稱苑馬  
寺牧地雖多堪種甚少舊額銀兩尚且辦納不前往  
徃奔馬迯移今一旦增銀四萬餘兩數目愈多供辦  
愈難負累不堪則軍迯地荒馬匹無人牧養乞要再  
行從長議處或行撫按會勘又該褚鈇題參原任叅  
將今閑住施霖孟宋假借王府軍門聲勢丈量牧地

受賄朦朧妄斷暗揭開陳致逼牧軍逃竄群情紛然  
乞要將施霖等通行巡按御史提問追贓照例發遣  
及將原題勘處加賦前疏行督撫巡按衙門嚴催寺  
道等官各要虛心無拘成案務使軍民牧卒俱各相  
安并加賦一節亦要從公議處俱限三月以裏丈勘  
完報俱經本部覆奉

欽依通行欽遵去後今該前因通查案呈到部不得總督  
陝西三邊軍務都御史戴才題稱清勘前項牧地督  
憲條議既涉嫌疑事雖自難歸結必須另行改勘乞  
要將前項牧地改行陝西撫按選委廉幹有司速爲

丈勘或特命查盤御史蕭廩會同陝西巡按御史從公勘理并將施霖等贓私勘問明實各一節爲照前項牧地在先後總督則欲清查侵占以便軍民之情在先後巡茶則欲分豁增銀以便牧軍之情意各有在論自難同總督先委官員既經巡茶叅劾見委官員未免互相觀望必須改行隔別衙門事體方無窒礙合候

命下本部移咨都察院轉行查盤御史蕭廩會同陝西巡按御史即將陝西苑馬寺牧地并接連軍民田土弔查冊籍速委陝西布按二司官各一員公同廉幹有



司官員逐一從公丈勘明白務見歸一新增銀兩應  
否量減其實回奏仍將叅將施霖等贓私一併究問  
依律問擬如有虧枉亦要從公辦理不得拘於成案  
隆慶六年二月初一日題奉

聖旨是欽此

覆兩廣提督侍郎殷正茂報廣東倭寇陷城疏  
題爲飛報倭賊分夥突犯地方攻陷邊邑城池事職方  
清吏司案呈奉本部送兵科抄出提督兩廣軍務兼  
理糧餉巡撫廣東地方兵部右侍郎兼都察院右  
僉都御史殷正茂題奉

聖旨兵部知道欽此欽遵抄出送司查得先該提督兩廣  
侍郎殷正茂揭稱倭賊攻陷神電衛及化州錦囊等  
處失事緣由該本部議得廣東地方外有海寇內有  
山寇浪寇縱橫擾攘一方士民如在鼎沸之中以故  
吏部大臣博選良吏加意綏輯乃今重以倭寇之變  
山寇黃朝泰等見又與之結連事勢危急誠可深慮  
幸而提督殷正茂先已接管行事安攘之計自有壯  
猷相應亟行申飭合候

命下移咨殷正茂嚴督總兵官張元勳都布按三司守巡  
兵備府州縣掌印官速發大兵尅期剿滅城池已完

者多方救卹善後事宜應該作何處置及早具奏城池未完者多方守禦應變機宜應該作何注措徑自施行不拘官軍士民有能殺敗倭衆斬獲倭級者就於軍前賞銀三十兩仍議陞級其海寇山寇浪寇有能立功自贖者准免本罪仍與官軍一體陞賞軍衛有司官有能保全一城者指名具奏不次陞用其地方失事人員移咨都察院轉行彼處巡按御史通候賊平之日一併勘明分別奏奏已經題奉

欽依外今該前因案呈到部看得提督兩廣侍郎殷正茂題稱隆慶五年十一等月倭寇陸續乘船突犯海豐

等處攻陷神電衛縣城池各該防守官兵失事緣由  
除調度官兵務將各夥倭賊取次蕩平外及自稱蒞  
任之初遽報城池之失慮始無能有終何望待罪候  
命不敢推諉各一節爲照提督侍郎殷正茂西功甫成東  
撫方兼卒有神電之變原非人力所及引罪自責雖  
督臣職分之常原情定議是

聖皇激勸之典伏望

天語叮嚀殷正茂益舒忠猷力消氛祲兵船應計處者極  
力經營務成有事之備丁糧應追徵者多方振刷毋  
懷疑畏之心賊平之日果有勞績自當優叙其餘各

官移咨都察院轉行彼處巡按御史從公體勘要見何官失於調度何官失於防守何官失於應援殺虜軍民若干燒毀房屋若干衛縣印信銅牌有無見在倉庫獄囚有無損失及各處斬獲功級是否真正逐一查覈明實并應察應問人員一併造冊具奏定奪  
隆慶六年二月初九日題奉

聖旨是廣東舊賊未平新倭復熾至陷城池都因該地方官一向怠廢玩愒守禦無策所致罪不可宥通候事寧查究殷正茂素有才略茲初任事著用心督率將領司道等官上緊併力驅勦務期盡絕其地方一應事宜都

著他破格著實整理敢有強梗阻撓不平行的奏來重  
治欽此

覆廣東巡按御史趙焯請命督臣亟勦倭寇疏  
題爲大夥倭寇攻陷城池乞

勅當事臣工速行撲滅以永奠海邦事職方清吏司案呈  
奉本部送兵科抄出巡按廣東監察御史趙焯題奉  
聖旨兵部知道欽此欽遵抄出送司案呈到部看得巡按  
廣東監察御史趙焯題稱該省地方多盜連破縣所  
城池除督行該道相機截勦及一應失事人員另行  
查究外乞要行督撫官審勢用兵相地設備選用將

領禁止請託計處兵餉上下虛心及久任責成各一  
節爲照廣東地方無日無警無地無賊城池之已陷  
者盡成丘墟城池之未陷者勢如累卵誠爲危急良  
可矜憫仰賴

聖主在上明見萬里一應事宜悉許督臣破格整理強梗  
阻撓者奏來重治睿筭神謀既已得其要水妖山  
孽自當立見廓清但廣東所當破格者第一在於錢  
糧海岸沙灘田地富豪占種得利不貲旬一查覈關  
然以爲生事又大戶自十碩以至百碩者拖欠不止  
十萬有奇苟一查催閔然以爲激變蔽錮已深難以

救藥合候

命下備行侍郎殷正茂務要開誠布公立綱正紀一切選  
將用兵理餉等項先之以定見守之以定力不止嚴  
禁請託痛革姑息應易置者易置應覈催者覈催任  
怨任勞利害毀譽不宜在念果有強梗阻撓者徑自  
拏問或指名叅奏務要早平海徼以慰

九重宵旰之懷本部一面移咨都察院轉行彼處巡按御  
史即將前項有功失事人員逐一查勘明實通候事  
寧之日一併具奏隆慶六年二月二十三日題奉  
聖旨是欽此



覆議薊鎮咸留山東民兵陝西遊兵疏

題爲遵

明旨據愚見條陳薊鎮事宜以少裨邊方大計事職方清  
吏司案呈奉本部送兵科抄出巡撫山東等處地方  
兼督理營田都察院右僉都御史傅希摯題奉  
聖旨兵部知道欽此欽遵又准總督薊遼保定等處軍務  
兼理糧餉兵部右侍郎劉應節咨爲懇乞

天恩俯容入衛兵馬番休以甦疲鎮事等因案呈到部看  
得巡撫山東都御史傅希摯題稱議得本省入衛民  
兵不敢議罷無已則將三千名內量汰馬步各五百

名每名扣取工食銀二十四兩共計二萬四千兩解  
赴薊鎮歲以爲例其餘馬兵五百名步兵一千五百  
名仍舊存留入衛揀退者分撥各道充補原額民壯  
固操每名應給工食一十二兩就於揀退馬兵多給  
之數并存留馬步扣減等項銀一萬三千兩內支給  
倘薊鎮日後有警再來調取民兵前項扣解餉銀仍  
歸本省及該總督薊遼侍郎劉應節咨稱山東巡撫  
衙門議將本省入衛民兵三千止減一千原議南兵  
工食尚欠銀四萬八千兩欲將固原入衛兵馬暫令  
回鎮休息通融計算節省行糧料草約該四萬一千

四百兩移給南兵工食尚欠六千六百餘兩要行戶部于去年節省銀內補給其固原兵馬所遺原分信地就將山東未罷民兵頂補防守若他年南兵回籍固原兵馬照舊更番入衛各一節在山東巡撫則所重在兵在薊鎮總督則所重在食要之各爲地方劑量調停均非得已即目正在防春審時度勢不容延緩相應亟行議擬合候

命下本部一面移咨山東巡撫傳希執將該省民兵三千名馬步各揀汰五百名每歲徵取工食銀二萬四千兩解赴薊鎮以充南兵工食餘兵仍令回衛揀退各

兵准充原額民壯團操處給工食扣減馬步銀兩等  
項悉如所擬施行一百移咨薊遼總督劉應節將固  
原入衛兵馬暫令回鎮休息所遺原分信地就以山  
東未罷民兵分布防守其固原官軍原派行糧料草  
准給南兵工食應用不敷之數僅有六千六百餘兩  
聽戶部於薊鎮去年節省銀內酌量處補其固原兵  
馬彼處督撫官務要如法操練日後南兵撤回照舊  
更番入衛隆慶六年閏二月十六日題奉

聖旨是欽此

請借南京兵部馬價銀兩以濟廣東軍餉疏

題爲廣東倭寇十分猖獗懇乞

聖明處發兵餉以濟危急事職方清吏司案呈近該提督  
兩廣兵部右侍郎殷正茂題稱廣東事體勢若沸湯  
廢弛因循大壞極敝蓋有極力以挽而不回者及到  
蒼梧人言尤劇莫不謂錢糧缺之以致陸路無兵水  
寨無兵又無船即將領供應百無一備已行司道搜  
羅會計等因查得嘉靖四十二年該巡撫福建都御  
史游震得題該本部議將南京庫貯馬價銀動支十  
萬兩解游震得處交割應用容本部於太僕寺馬價  
內動支補還覆奉

世宗皇帝聖旨銀兩准發欽此今照廣東江改寇攻陷城池  
進兵驅勦全藉錢糧雖經節行提督臣何即殷正茂搜  
羅會計查覈催徵一時難以遽完未可元徒爲畫餅勢  
在燃眉相應處發隨行車駕清吏司本立得南京官庫  
貯有馬價船料等項銀兩又查得南京上隸年例馬價  
共銀一十九萬七千三百二十八兩內應天府鳳陽  
府併淮安府海州盐城桃源宿遷睢寧蕭贛榆沐陽沔  
河安東九處共該銀十萬三百四十五兩二錢相應  
徑解南京兵部抵補借發之數其邳州山陽縣併太  
平府鎮江府寧國府廣德州廬州府滁州和州徐州

揚州府應解馬價州縣尚該銀九萬六千九百八十二兩八錢仍解太僕寺交納案呈到部看得廣東倭寇結連山寇浪寇攻陷城池勢甚猖獗荷蒙

聖明在上軫念海隅蒼生勅下守臣破格救理見今用兵之際全在錢糧雖提督殷正茂搜羅命計查覈催徵但勢已燃眉方爲蓄艾委難濟於急竊以既經該司查有福建事例相應題請合候

命下於南京兵部庫貯馬價船料等銀內動支十萬兩該部差官一員本部差官一員會同解送提督殷正茂處交割應用本部仍咨南京兵部并劄付南京太

寺將隆慶七年應天府等處應解太僕寺馬價銀  
萬三百二十五兩二錢照數徑解南京兵部抵補前  
數其餘九萬六千九百八十二兩八錢仍解太僕寺  
交納不爲常例隆慶六年閏二月二十日題奉  
聖旨是銀兩准給發欽此

覆兩廣提督侍郎殷正茂犒賞撫民許瑞等疏  
題爲撫民實心效順盡滅續到全夥真倭事職方清吏  
司案呈奉本部送兵科抄出提督兩廣軍務兼理糧  
餉兼巡撫廣東地方兵部右侍郎兼都察院右僉都  
御史殷正茂題奉



聖旨兵部知道欽此抄出送司案呈到部看得提督兩廣  
侍郎殷正茂題稱原差書吏吳天賞監督撫民許瑞  
率兵前往神電等處攻勦倭賊行至銅鼓海澳生擒  
新到真倭七十八名斬級二十五顆奪回被虜男婦  
倭船等項功勞懋建及稱許瑞昔懷疑懼今實革心  
乞要將許瑞授以把總仍令吳天賞以標下名色把  
總將各黨備查審立籍編差聽便生活或充水兵就  
屬吳天賞統領報效立功各一節爲照撫民許瑞原  
係曾首餘黨聽招之後委嘗屢立戰功止以往時軍  
門差去各官不能結以恩信反行詐騙以致中懷疑

俱乍叛乍臣乃今一聞吳天賞之言即能傾心效用  
生擒倭奴七十八人斬獲倭首二十五顆據其功次  
雖即授以把總之職誠不爲過但即日諸寇連結正  
在用兵之際相應先行獎飭以責後效合候

令下備行侍郎殷正茂將許瑞重加犒賞吳天賞量加犒  
賞仍責令吳天賞督同許瑞將未盡殘寇奮勇勦除  
果能再立奇功併行陞授以示優異撫處未盡事宜  
如立籍編差等項聽吳天賞悉心處分如果得宜另  
行錄用及照本部近日題奉

欽依海寇山寇浪寇有能立功自贖者准免本罪仍與官

軍一體陞賞撫民許瑞即能立功自贖風聲所至諸  
寇之中必有聞而興起者以賊攻賊自古蕩平之長  
策合無再行殷正茂即將前項事宜多出大字榜文  
遍加曉諭差去賊營人員必須端謹機辯如吳天賞  
者不許誤用匪人嗜利貪財致悞大事隆慶六年三  
月初二日題奉

聖旨是欽此

覆右給事中劉伯燮論御將之法疏

題爲議處御將機宜正

國體以作人心事關方清吏司案呈奉本部送兵科抄

出兵科右給事中劉伯燮題奉

聖旨兵部知道欽此欽遵抄出送司案呈到部看得兵科  
右給事中劉伯燮題稱論將之功當取其斬獲之多  
論將之罪當計其退縮失機之大其功大則小過在  
所有其罪大則平生在所略近見總兵官俞大猷自  
廣西被劾未幾推僉書又推總兵子奪靡常及稱福  
建按臣前後論劾叅將等官如金科朱珏王如龍三  
臣諛部見行提問果皆驍勇無雙既被提問復何覲  
顏人世廣東按臣論劾四川總兵官郭成其時自粵  
赴蜀方提重兵在道黠苗都蠻黨與聞之亦惧未及

交一矢而遽奪之殊非事體乞要虛心計議以功罪  
過三者定爲等則又稱在內調度之權在本兵在外  
駕馭之權屬督撫有功有罪可否與將官同爲議擬  
仍通行各邊俾知恪守職任不至輕爲進退及稱金  
科等三員與俞大猷奉有 成命難以別議各一節  
除金科等奉 旨提問俞大猷奉 旨簡用委難別  
議外爲照人材難得將材尤爲難得西北之將難得  
東南之將尤爲難得即如右都督俞大猷久閑將略  
早著清修向因不通賄遺以致逆蕃父子切齒械繫  
臣等必欲置之死地仰賴

光帝明聖生全而歸項者總兵廣西恢復古田擒斬獍賊  
七千一百有奇雖經御史李良臣糾論彼時本部署  
印官議擬上請奉

旨聽用後該臣博到任素知其人雖文多於質名勝於實  
要之不失爲東南宿將以故初推南京右府僉書尋  
因福建總兵員缺遂即會官推補不以一時被論弃  
其平生愛惜將才正與該科所見相同其署都督僉  
事郭成本以斗筭之才原非屏翰之任巡按廣東御  
史趙煒極口論其尅扣軍餉罪犯不輕豈敢仍復留  
用所據該科具題前因無非正 國體以作人心之

意相應通行議擬合無以後遇有劾到將官容臣等  
虛心評騭酌量功罪過三等如果應留即便請

旨策勵不敢依違以避納垢之嫌如果應黜即便請

旨究治不敢寬縱以速長惡之罪一面通行總督撫按官  
舉劾將官亦要查照功罪過等則從公會擬不得彼  
可此否致令本部難以定擬至於巡撫總兵地方有  
功失事自當一體酌量議賞行罰其將官所犯私過  
如侵盜錢糧打傷人命干礙行止等項自是將官之  
事與督撫原無干預先該都察院會同本部題奉

明白事體已詳均乞

聖明裁定隆慶六年三月初九日題奉

聖旨是欽此

覆巡撫遼東都御史張學顏報火災隄備疏

題爲地方火災事職方清吏司案呈奉本部送兵科抄  
出巡撫遼東地方兼贊理軍務都察院右副都御史  
張學顏題奉

聖旨兵部知道欽此爲照山海以東蓋牟等處乃自昔遼  
東之地山海以西盧龍等處乃自昔遼西之地地之  
分野本自相同天之示戒不容互異所據遼東旗杆  
箭頭馬耳鎗上無故起火在該鎮鎮巡自以爲本處



一鎮兵戈之象在臣等愚見斷以爲勦遼二鎮兵戈之象且遼東屢奏捷音常勝之家難以慮敵勦鎮久無警報先事有備方免後患相應通行申飭合候

命下備行總督劉應節巡撫楊兆張學顏總兵官戚繼光李成梁楊四畏當此春防之時務要萬分戒嚴常如虜在目前一應修守操練事宜查照節奉

欽依事理從實舉行聽候大臣至日閱視一面督率司道府衛州縣等官同加修省務期軍情允愜民瘼孔安以修轉災爲祥之政隆慶六年三月初九日題奉

聖旨是欽此

請宣遼東第二次捷音疏

題爲虜賊復讐入犯仰仗

天威斬獲首級恭報捷音事職方清吏司案呈奉本部送  
兵科抄出總督劉遼保定等處軍務兼理糧餉兵部  
右侍郎兼都察院右僉都御史劉應節巡撫遼東地  
方兼贊理軍務都察院右副都御史張學顏題同前  
事俱奉

聖旨兵部知道欽此又該鎮守遼東總兵官署都督同知  
李成梁揭同前事等因通送到司查得

大明會典內一款各處奏捷鴻臚寺將差來人員引至

御前宣讀捷音欽此今照該鎮斬獲首級一百六十五顆  
已踰大捷一百一十級之外相應照例宣捷但今恭  
遇 免朝呈乞題請又查得總督侍郎劉應節差舍  
人張一翔巡撫都御史張學顏差副千戶成印總兵  
官李成梁差副千戶張棟各報捷案呈到部看得薊  
遼總督撫鎮等官侍郎劉應節等恭報捷音一節爲  
照遼東地方數月之間兩成大捷先次斬獲虜首五  
百八十八級已蒙

天恩特加陞賞乃今又於長勝清河等處斬首一百六十  
五級且獲有首首一級威振閭閻山風生述海晏以異

皇上神謀默運聖武布昭所致所據捷音例當

御前宣讀差來報捷人員例當御前給賞但今恭遇

免朝伏乞

聖明俯賜裁定倘蒙暫停宣捷容臣等將報捷員役張一  
翔成印張棟應賞衣服鈔錠移咨禮部照例領出頒  
給一面備行九邊總督鎮巡等官將前項捷音通行  
昭示華夷以彰捷伐之盛隆慶六年三月初九日題  
奉

聖旨捷免宣差來人照例給賞欽此

覆勘遼總督侍郎劉應節等遼東獻捷陞賞疏

題爲虜賊復讎入犯仰伏

天威斬獲首級恭報捷音事職方清吏司案呈奉本部送  
兵科抄出總督劉遼保定等處軍務兼理糧餉兵部  
右侍郎兼都察院右僉都御史劉應節巡撫遼東地  
方兼兼理軍務都察院右副都御史張學顏征勇前  
將軍鎮守遼東地方總兵官署都督同知李成梁題  
同前事俱奉

聖旨兵部知道欽此欽遵抄出送司卷查先該本部題爲  
預防虜患事看得東西各邊并沿河一帶俱逼鄰虜  
巢即今西虜雖稱款塞而犬羊變詐寔不可測東虜

雖稱大捷而豺狼反噬更當深慮已經題奉

欽依通行各邊整兵飭守共保無虞遵行去後今該前因  
案呈到部看得總督劉遼侍郎劉應節巡撫遼東都  
御史張學顏鎮守遼東總兵官李成梁各題稱本年  
閏二月初十等日東虜速把亥歹青等二次突犯長  
勝清河等處地方各該官軍奮勇拒敵共斬虜首一  
百六十五顆內賊首佟鎖羅可赤一顆并獲達馬夷  
器等項緣由及稱鎮守總兵官李成梁速奏虜功協  
守遼陽副總兵趙完清河守備曹鑑再立奇功長勇  
堡備禦范芝設伏千總王好善把總趙愚奮力催鋒

帶分守遼海東寧道事僉事王之弼功成屢捷戶部  
管糧郎中王念累助捷功坐營中軍蘇承勛標下中  
軍原任叅將趙應昌各效傳宣之力乞將李成梁再  
加陞座趙完曹鼐優加陞錄范芝王好善趙愚併加  
陞錄王之弼查近日給由事例與王念酌加陞錄蘇  
承勛趙應昌量加賞賚并各自陳頃荷

殊恩已踰分願乞要免再併叙各一節爲照東虜速把亥  
等與建州諸夷聲勢相倚時爲薊遼邊患頃因入犯  
清河卓山官軍奮勇斬首五百八十餘級且獲有酋  
首二級趙移本部野料材狼之性必肆反噬已行該

鎮鎮巡等官嚴督各該將領加意防備乃今速把亥  
歹青佟鎖羅可赤等果爾糾衆復來侵擾仰賴

聖皇明明在上輔臣穆穆在下以故一時文武諸臣恪遵  
聲宣力宣猷始而突犯長勝堡則備禦范芝等力戰於  
前繼而再犯清河堡則守備曹簾等大戰於後通共  
斬獲一百六十五顆且獲虜酋佟鎖羅可赤首級一  
顆奪獲夷馬一百四十匹真可以追蹤古昔一月三  
捷之盛所據總督薊遼侍郎劉應節先事壯猷制勝  
千里之外巡撫遼東都御史張學顏鎮守總兵官李  
成梁臨時決策聿收全捷之功法當特叙守備曹簾



挺身血戰勇冠三軍法當首叙其餘文武各官既談  
總督撫鎮官叙論前來係干激勸相應議擬合候

命下將劉應節張學顏李成梁均以發蹤指示之功各加  
陞賞曹鼐立有奇功重加陞賞趙完范芝量加陞賞  
王好善趙愚各加陞級王之弼重加賞賚王念量加  
賞賚蘇承勛趙應昌巡撫衙門分別犒賞本部仍咨  
都察院轉行彼處巡按御史即將獲功首從人員及  
地方有無隱匿別項失事照依清河卓山事例一併  
造冊作速具奏隆慶六年三月十三日題奉

聖旨是劉應節賞銀四十兩紵絲二表裏張學顏陞俸一

級李成梁實授都督同知還各賞銀三十兩紵絲二表  
裏曹簾陞二級賞銀二十兩紵絲一表裏趙完范芝各  
陞主級賞銀十五兩王好善趙愚各陞一級王之弼賞  
銀二十兩王念十兩欽此

覆都給事中梁問孟等糾論貴州叛賊功罪疏  
題爲巨寇蕩平追論玩寇殃民撫按等官以飭紀法以  
安地方事職方清吏司案呈奉本部送兵科抄出兵  
科都給事中梁問孟等題又該巡撫貴州兼督湖北  
川東等處地方提督軍務都察院右僉都御史阮文  
中題爲仰伏

天威蕩平僭王巨寇恢復久叛境土邊氓獲安事俱奉

聖旨兵部知道欽此抄出送司案呈到部看得兵科都給

事中梁問益等題貴州巨寇者念父子僭號稱王先

後撫按官員不行奏報法當叅究巡撫貴州都御史

阮文中題稱叛賊者念俱已擒獲并叙有功總兵官

劉顯等乞加陞賞各一節爲照逆賊者念本以西廣

之猥竄入貴陽之境流毒安順等州衛軍民屯堡前

後繼五十年方罪人之未得止知其強占土田肆行

戕刦狂悖之略及罪人之既得始知其私擬名號擅

立宮闈僭逆之詳罪惡貫盈神人共憤仰賴

聖皇在上天威震疊神武布昭一時文武諸臣宣猷宣力  
無不曲盡一鼓而元惡就擒再戰而群兇盡殄仲萬  
里撻伐之威靖百粵妖氛之氣誠可嘉尚即如巡撫  
阮文中定多算於宵中運群逆於掌上斗糧不費復  
百里竊據之疆一旅是過蕩頻年恣橫之寇法當首  
論總兵官劉顯躬擐甲冑而勇冠三軍親蒞巖巖而  
威行二省出師未及兩月計功已致萬全法當同論  
其以前巡撫都御史開府一方原奉

勅諭極其嚴重方內有此賊情雖彼時尚不知其僭王之  
罪然既不行議勦又不行奏報玩寇殃民誠如談科

所論係干功罪法紀相應通行擬議合候

命下將阮文中劉顯各加陞賞本部一面移咨都察院轉行彼處巡按御史將前項所獲功次從公體勘要見擒斬首從實有若干奪回被虜男婦等項各有若干占據田土是否仍歸版圖地方即今果否底寧并各該有功效勞文武官員逐一分別明實造冊具奏其首惡叛賊繼王等人當同巡撫衙門問擬明白不必解京具奏請旨就彼處決一面移咨吏部將該省巡撫自嘉靖三十七年以後隆慶五年以前在任管事職名通行查出分別具奏恭候

宸斷仍將究處過事由著爲定例通行申飭至於巡按御史地方獲功例不與巡撫同賞地方失事例不與巡撫同罰糾察欺隱以爲

朝廷之耳目乃其職事依違觀望罪自難辭然於其中又自有說即如南方之寇依山負海多與北方不同若果攻城聚衆據地稱王總督鎮巡官明加征討巡按先行火速奏聞若畢竟總督鎮巡官悞時失事即當據實參奏若是匿影潛形倏入倏出總督鎮巡官默運機宜巡按仍候事定奏聞若畢竟總督鎮巡官隱匿欺肆即當具實參奏大抵有事不可不奏無事

不宜輕奏不奏則相與和同有負國恩輕奏則動成掣肘反致壞事本部備咨都察院轉行各該巡按御史一體遵照如有違錯悉聽本院考察并該科指名叅究隆慶六年三月十六日題奉

聖旨是阮文中陞俸一級劉顯陞祖職一級還各賞銀四十兩紵絲二表裡欽此

覆南京兵部尚書王之誥等叅安慶衛官作亂疏題爲奸惡武職挾私倡亂違法干紀懇乞

聖明亟賜重究以正法典以弭亂萌事職方清吏司案呈奉本部送准南京兵部尚書王之誥總理糧儲提督

軍務兼巡撫應天等處地方都察院右僉都御史張  
佳胤提督操江兼管巡江南京都察院右僉都御史  
張鹵揭帖通送到司案呈到部臣等竊惟

朝廷所以制御海內者全在紀綱紀綱一壞頑倖欺負  
之徒縱橫紛擾何所不至粵自嘉靖初年甘肅寧夏  
以來大而大同延綏山西遼東鎮城小而宣府滴水  
崖山西老營堡相繼煽亂至於南京振武營則決裂  
甚矣

先帝廣天覆之仁憫其無知多從寬假此輩不惟不知感  
畏益肆猖狂即如近日安慶之事一二指揮止因與



知府小有讎嫌輒便主令悍僕豪奴唆使猾舍積伴  
假以軍士月糧爲由喧呼鼓譟城垣

朝廷之城垣乃敢鎖閉三日知府

朝廷之大吏乃敢憑凌萬狀主簿

朝廷之命官乃敢聲言殺死庫藏

朝廷之公帑乃敢欲行搶劫屯軍

朝廷之官軍乃敢擅行調發擁逼府衙打毀公案

逃避山澤不服追喚者不同執持兇器放砲鳴

之白晝搶奪人財物者更異兇焰薰灼無復知

日勢欲謀叛幾成不道之事情類大逆豈止無

戒即使知府處置失宜自合奏聞

朝廷聲訴上司豈有世受

國恩之人輒行倡亂之理若再姑息因循將來尾大不掉之患不可收拾誠如南京兵部并巡撫操江都御史所論伏望

皇上大奮乾剛特垂離照將指揮張志學馬負圖張承祖守備楊遇春一體先行重治本部一面備行南京內外守備尚書王之誥太監張宏等公同巡撫都御史張佳胤操江都御史張鹵督同九江兵備副使張岳叅將管安慶守備事王柱即將兇犯馬應舉等不分

奏內有名無名但係同惡共濟之人通行擒拏到官  
逐一研審要見某人等應該重處某人等應該酌處  
務要詳慎明的雖一人不可漏網雖一人不可相屈  
作速具奏其續調屯軍是否脇從情有可原亦望亟  
賜

宸斷或聽彼處查明一併奏請其知府查志隆有無干碍  
容臣等另行議奏但 恩威出自

朝廷隆慶六年三月二十四日題奉

聖旨是張志學等故縱惡軍閉城倡亂好生兇逆無禮著  
錦衣衛差的當官校都扭解來京問馬應舉等巡撫衙

門分別處治作速具奏屯軍脇從的饒他本內差字著  
改正行欽此

覆南京守備太監張宏等奏安慶知府查志隆疏  
題爲守土官員激變地方潛入京城恣肆無忌懇乞

聖明亟賜究治以彰國法事職方清吏司案呈奉本部  
送兵科抄出南京守備司禮監太監張宏等奏奉

聖旨兵部知道欽此又該巡按直隸監察御史楊邦憲題  
爲豪橫武官懷私倡亂大肆威脇懇乞

聖明嚴加究治以肅法紀事奉

聖旨該部知道欽此通抄送司案呈到部看得南京守備

司禮監太監張宏等巡按直隸監察御史楊邦憲各奏題前因大率皆爲安慶之事在張宏等則稱知府查志隆數月未放糧米以致諸軍激變事後又與守備楊遇春潛入南京扛擡女輪朝暮出入莫知所爲皆得於兵馬指揮石蓀之查訪在楊邦憲則稱知府查志隆議選軍舍輪班守城親放官軍月糧欲革守備與掌印指揮冒領奸弊以致指揮張志學馬負圖張承祖守備楊遇春主使倡亂則得於兵備副使張岳之具呈各一節除張志學等本部先已議題請

旨處分外所據知府查志隆始而稽查軍餉事本因公似

無激變之情終而禮離職守先爲身謀不顧地方之  
患若果是實罪難輕貸但巡撫操江等官俱未言及  
止是內守備言之大抵此舉關係

朝廷綱紀若知府無罪而過爲搜索事體大壞蓋復增  
倡亂之風若知府有罪而曲爲掩飭人心不服何以  
杜啟釁之漸相應亟爲議擬合無備行太監張宏等  
尚書王之誥會同巡撫都御史張佳胤操江都御史  
張鹵巡按御史楊邦憲將前項事情再加查勘明的  
作速具奏惟復即行究處伏望

聖明特賜裁斷以正國體以絕奸萌地方幸甚隆慶六年

三月二十四日題奉

聖旨查志隆也著錦衣衛差官校拏來併問欽此

覆都給事中梁問孟等請嚴倡亂罪狀疏

題爲綱紀廢弛官軍恣橫乞勅嚴究併通行申飭以

杜奸萌以安重地事職方清吏司案呈奉本部送兵  
科抄出兵科都給事中梁問孟等題奉

聖旨兵部知道欽此欽遵抄出送司案呈到部看得兵科  
都給事中梁問孟等具題前因蓋緣安慶衛指揮張  
志學等爲與知府查志隆挾仇主使軍舍馬應舉等  
倡亂欲要盡法處治毋得仍事姑息及稱先年振武

營之變處置略事姑息以致山西省城軍士之中夜  
鼓噪圍劫督府焚殺軍民浙江東陽縣里長之聚衆  
軟血署印推官畏懼逃避處州府生員請託不行毆  
及方面蘇州府童生考不與選辱及府官倣倣成風  
恬不知怪乞要通行各省撫按等官今後但有抗違  
不法不得曲爲撻飭違者聽其衆究各一節爲照安  
慶衛指揮張志學等祇因小嫌幾成大變節該叅贊  
撫操等官聲其罪狀臣等議擬覆題仰蒙

聖皇在上離照重明乾剛獨斷知造意之有歸即加械繫  
憫脇從之無知曲賜優容春生秋殺並行不悖九塞



立見寒心四海自當滌慮乃今都給事中梁問孟等  
歷數徃時猖狂之徒欲爲後日振刷之計無非肅紀  
綱以勵人心之意相應通行申飭令無聽臣等本部  
通行南北直隸各省各邊總督撫按等衙門今後不  
分邊腹地方但有官員軍民人等抗違法令鼓衆倡  
亂者一面先行擒拏處治一面據實奏聞不得拘泥  
激變良民之律相率欺蔽以滋頽風以隳國體如  
果處分得宜即使罪由本官自作亦當請旨量從  
末減若敢仍前姑息曲爲掩護即係庸懦不職之人  
聽臣等與該科指名參究大抵畜謹童牯坤重陰凝

諦觀往事已成堅冰似不止於履霜矣伏望

聖明遠覽深識特勅

天誥嚴加振勵以成有道之長以謹無將之戒臣等幸甚  
天下幸甚隆慶六年三月二十四日題奉

聖旨是今後各處官員軍民人等但有抗違法令挾持私  
恨鼓衆倡亂的該管衙門即便將首惡之人擒獲處治  
隨據實奏聞朝廷憲典具存決不輕貸如敢容隱掩飾  
你部裏并該科從實奏來一併重治欽此

覆都給事中梁問孟請責成邊臣力修內治疏  
題爲邊政久頽積習未振乞 勅著實舉行併議重任

督撫官員以預疆場後圖事職方清吏司案呈奉本  
部送兵科抄出兵科都給事中梁問孟題奉

聖旨吏兵二部知道欽此欽遵抄出送司案呈到部看得  
兵科都給事中梁問孟題稱巡撫寧夏右都御史  
張蕙昏庸無狀淫婪有聲邊防何賴宣大山陝貢市  
屆期廼文臣沿習舊套粉飾詞華絕無極力修攘之  
念武臣藉口封貢弛意戰守仍滋狡詐僨事之心邊  
氓撫綏未盡其方軍士訓練不以其實險要低薄坍  
塌者如故屯田蔓草綿延者不絕降夷通丁漸生渙  
散之心硝黃鉄器未盡奸宄之禁以至車戾去留史

夷安捕撫賞盈縮市期遼違俱屬可慮其在剽鎮則  
屬夷私索撫賞而軍士扣陪月糧南兵倍加犒賞而  
北士爲增憤惋遼東再捷當長勝慮敵之秋套虜西  
掠抱戚號取虞之患乞要將張蕙罷斥及將一切戰  
守事宜通行申飭大加整頓著實舉行各一節除都  
御史張蕙係吏部議撥外爲照自古聖王制御夷裔  
大率以內治爲本向常北虜款塞之初

朝廷嘉其慕義允其封貢原爲外示羈縻內修戰守以  
爲久安長治之計既而輔臣入告復蒙

特降璽書於九邊文武大吏且懸示賞罰之格比照獲功

失機事例委任責成既嚴且重力刷舊套茂建新庸  
寔惟閫外之事近據督撫等官條上方略固皆恪遵  
廟謨銳意修舉第恐迫于互市之經營則修爲不力苦于  
錢糧之無措則幹辦難前或將士狡猾陰圖蠱壞或  
家丁頑悍明著飛揚與凡積弊相沿根深蒂固遽難  
振拔未免愒時玩月坐失機宜伏患隱憂誠如都給  
事中梁問孟所慮者相應通行申飭合候

命下本部備行九邊總督撫鎮官遵照

勅諭開載及本部先今題行事理在勦昌遼保則戰守務  
求多筭在宣大山陝則修攘務底萬全邊氓何以撫

綏軍士何以訓練險要何以修築屯田何以開墾降  
夷通丁既不搗巢趕馬必如何優卹以收其渙散之  
心硝黃鉄器當此華夷雜集必如何關防以革其私  
通之弊屬夷之安插撫賞作何區處不得仍前剋扣  
歛怨於軍互市撫賞作何措辦不得徒事節省失信  
於夷南兵固當體悉亦不可偏重以阻北兵敵愾之  
心東虜未盡伏辜尤不宜懈弛致啓西虜輕忽之念  
一切戰守機宜內治事宜應計處者徑自計處應奏  
請者明白奏請務要從實修舉的有成效通候大臣  
至日查閱施行隆慶六年三月二十五日題奉

楊襄毅公集卷之四  
聖旨是欽此

覆都給事中梁問孟等請亟賞邊功疏

題爲申飭賞功事例以勵人心以振

國威事武選清吏司案呈奉本部送兵科抄出兵科都  
給事中梁問孟等題奉

聖旨兵部知道欽此欽遵抄出送司案呈到部看得兵科  
都給事中梁問孟等題稱賞功事例凡撫鎮報到功  
次行巡按御史查覈明的具奏兵部移咨禮部赴承  
運庫領銀解發給賞但覈功之踰踰年不完則賞功  
之銀無時可發以致獲功員役有一二年乃至數年

不得犒賞甚至壯者長老者死親身逃亡冒替領獎  
似非鼓舞人心激勵將士要將應陞應賞覈冊速行  
完報行令六部查應動銀兩預先題請給發或彼中  
有撫按賍罰及各諒解京銀兩存留責令巡按御史  
收貯但遇獲功一面題奏一面犒賞總督巡撫等官  
不得干預各一節爲照本部賞功事例據各該督撫  
奏報功次到部轉行巡按御史查覈明實造冊具奏  
本部隨即覆奉

欽依方將應賞銀兩移咨禮部於內府領出送至本部分  
發彼處頒給恩出



朝廷惠派邊徼立法本善第始而覈勘文冊曠日遲久甚至數年方行造報繼而應賞銀兩經時停閣甚至數月方得開出致使

國家激勸之興漸至廢格人心奮勵之機因而阻喪係干邦政誠非細故所據都給事中梁問孟等具題前因深得賞不踰時之意相應亟行議擬合候

命下本部通行九邊巡按御史今後但過本處官軍獲有擒斬功次速行覈勘明實一面查取庫貯撫按臚罰或別項應動應留銀兩就將願賞者行宣布

朝廷德意照數給賞一面速將覈冊奏繳其覈冊到

本部即行題請陞賞候禮部送銀到部即便差官齎送以補前數其一應動支補還出入之數俱聽巡按御史徑自查理差完造冊交代督撫官不許干預各該巡按一面先將應動銀兩具數奏知其沿海并腹裏地方賞功銀兩原不由內府給發聽各該巡按御史仍舊於本處官銀內動支照依九邊事例一體先行給賞隆慶六年三月二十五日題奉

聖旨是欽此

覆宣大巡按御史劉良弼青成邊臣預防後患疏題爲敷陳邊慮以永治安事職方清吏司案呈奉本部

送兵科抄出巡按直隸監察御史劉良弼題奉

聖旨兵部知道欽此欽遵抄出送司案呈到部看得巡按直隸監察御史劉良弼題稱軍國大事孰逾今日之通貢互市其議戰則恐今日撫虜之資爲他日賄虜之計又其甚借啟蒙之言掩養亂之罪乞要按邊臣便宜之權其議守則要將獨石馬營八城堡預爲一歲之儲以守爲戰中東西南四路備數月之儲以戰爲守及稱俺酋欵伏把都老死即黃酋跳梁終屬孤立分外邀求亦當量爲頒給華靡服用則當嚴爲禁遏巡邊之夷日漸加增哨糧之戒歲計數萬宜加整

爲修邊之計所難矣夫京似難輕議邊圉修理斷不可  
輒沿邊墩臺之軍器稽查不可不嚴虜最垂涎鉄鈎  
禁例當爲中飭各一節爲照北虜款塞之初

朝廷嘉其慕義允其封貢原爲外示羈縻內修戰守已  
而輔臣入告復蒙

特頒璽書戒諭九邊文武大吏一應戰守恩威事宜開載  
甚悉責成甚嚴節據邊臣題報亦各協心殫力弗遑  
寧處乃今巡按御史劉良弼具題前因計料方來之  
事周思曲慮極其剴切所賴總督大臣王崇古自許  
孤忠人稱多等凡御史之所言者必能加意行之大

抵貢市已成人口保全錢糧節省已非托之空言即使虜果渝盟彼運已衰我兵方銳以戰以守自當出虜人之上係于重計相應如擬申飭合無聽本部移咨督撫官尚書王崇古都御史吳允劉應箕楊綵公同總兵官馬芳趙奇郭琥查照御史劉良弼所陳虜果效順則朕在撫賞一或叛逆即閉關謝絕如敢侵軼徑自相機截勦不計將領等官因而生事開釁失信損威其宣鎮獨石兩營等八城堡糧餉務要是一歲支用中東西南四路亦要儲備數月黃會書果違規及量加裁節以示下龍察罕兒構隙既多宜用

謹自今挽亂撫賞之外如東來有名布帛諸物  
當量與若是求請無厭華靡服用決不可給至於巡  
邊之犬哨糧之減厲使之入京邊牆之修理軍器之  
查鉄鍋之禁及一切應事宜審時度勢務求至當固不  
宜過激以失彼嚮慕之心亦不宜因仍以致我陵夷  
之漸仍望

皇上特勤天語明示邊臣以意嚮所在令其便益從事邊  
方幸甚隆慶六年四月初八日題奉

聖旨這所奏著王崇古督率各鎮巡官酌處停當行欽此  
覆右給事中劉伯燮追錄前總督曾銑等功績疏

題爲感今思昔重慎時機懇乞

聖明伸辯已往示勸將來明國法以收實效事職方清吏司案呈奉本部送吏科抄出兵科右給事中劉伯燮題奉

聖旨吏兵二部知道欽此抄出送司案呈到部看得兵科右給事中劉伯燮題稱原任三邊總督曾銑志期立功謀倡復套計議未行旋遭弃市而實無罪原任浙直總督胡宗憲恢豁不群危疑交困海波既寧辱身不免功罪相準在曾銑已經贈廕足慰忠魂在胡宗憲功不可泯或復其官以示予罪不可掩或

廢以示抑即行史館將二臣生平大致明付編摩仍通行各邊督撫諸臣在昔銑與宗憲欲力爲之而困於時阨於遇今有其時獲其遇必不可爲銑之疎宗憲之濫以自誤軍國大計各一節除胡宗憲復官等事吏部議覆外爲照封疆之臣畢力宣猷全賴

聖明在上爲之主持一從中覆則不惟功室其成亦且身罹其禍無言往代即如近歲曾銑胡宗憲二臣是已就而論之銑嘗平遼東之亂聲色不動未可盡謂之疎宗憲適當逆藩之時大閑盡踰其實不止於濫是故效銑所爲終不失爲純臣效宗憲所爲終不得爲



純臣所據該科具題前因無非錄功略罪因而激勸  
邊臣之意相應依擬申飭合候

命下本部移咨南北督撫等官務要感

九重兼聽之恩奮千載一時之會各爲忠貞力圖修攘一  
切攻戰修守機宜屯塩兵餉事務矢心經畫從長計  
處或先事建策而時移勢殊不宜拘泥以失事機或  
獨見果真雖群言雜議不宜遽就以免訾謗虜情始  
終雖不能保其不變在我則制禦有常邊政興革雖  
不能保其無舛在我則心力克盡果能立有奇功建  
有偉績

朝廷明同二曜信若四時旋淑世延之賞決不似銑與  
宗憲公論久而方定如或苟且掩覆藉口二臣寃危  
希圖僥倖國典具存自難輕貸隆慶六年四月二十  
日題奉

聖旨是欽此

覆都給事中梁問孟等酌議廣西古田撫勦疏  
題爲江賊滋蔓撫臣議勦乞 勅文武各官務在慎重

以圖必勝以保萬全事職方清吏司案呈奉本部送  
兵科抄出兵科都給事中梁問孟等題又該巡撫廣  
西地方都察院右副都御史郭應聘題爲水陸未靖

亟加勦處以圖廓清以安反側事俱奉

聖旨該部知道欽此欽遵抄出送司案呈到部看得兵科都給事中梁問孟等題稱府江右江諸賊未可盡滅者有五今督撫諸臣共期滅賊相應悉心經理多筭取勝天威如何而震地利如何而得其併力拒我如何而破老師費財如何而免賊衆有子女良善如何招安勦蕩之後如何撫戢欲要行各該督撫將領等官慎重舉行毋得輕易愒事又該巡撫廣西都御史郭應聘會同提督兩廣侍郎殷正茂巡按廣西監察御史李良臣題稱廣西府江右江徭獠屢招屢叛

愈久愈驕惡貫已盈罪狀顯著欲要相機勦處徵調  
土兵動支軍餉定委監統等官照往年用兵事例行  
巡按御史紀驗功次稽查奸弊各一節爲照府江右  
江徠僮恃險爲惡先經該省督撫等官具題已經本  
部覆奉

欽依相機撫勦乃今稔惡不悛益肆猖獗若不大加處置  
不特無以固八寨懷遠之招亦且無以杜古田携貳  
之漸在該科則謂諸賊未可盡滅欲要慎重行事在  
巡撫則謂諸賊不容玩縱欲要調兵勦處詞若少異  
意實相成臣等反覆參詳撫臣分間一方與有安攘

之責聞見既真計料必審征勦之師委非得已但事  
當集乎衆思動貴期於萬全科臣先事之慮尤非過  
論事關軍旅大計相應通行酌處合候

命下本部備行總督兩廣侍郎殷正茂巡撫廣西都御史  
郭應騁嚴督總叅司道兵備等官叅酌科臣建白將  
府江右江之賊上明天時下察地利中順人情應先  
應後相度機宜如時勢果便即當分道進兵一鼓殄  
滅如時勢未便亦當長顧却慮以收全勝不得輕率  
張皇反貽後患至於應調土兵應發糧餉及委官監  
統等項事宜悉照原擬施行務使諸孽盡除一方寧

謚方為得筭本部一面移咨都察院轉行廣西巡按御史照例隨軍紀驗功次稽察奸弊事完之日通將有功有罪人員查覈明實分別具奏隆慶六年四月二十二日題奉  
聖旨是欽此

會議官大總督尚書王崇古等條陳封貢事宜疏題為虜王修貢乞

恩酌議貢市未安事宜慰華夷以永安懷事先訪兵部題職方清吏司案呈奉本部送兵科抄出總督宣大山西等處地方軍務兼理糧餉太子太保兵部尚書兼

都察院右副都御史王崇古題奉

聖旨兵部知道欽此欽遵抄出送司案呈到部看得總督  
宣大山西軍務尚書王崇古所題四款鐵鍋一款隸  
之本部印信貢使二款隸之禮部撫賞一款隸之本  
部與戶部若使各另議覆上關國典下係夷情事體  
不得歸一殊非廣集衆思之意相應議擬合候

命下容臣等三部將本官條議四事逐一參酌停當應行  
應止開坐會題恭候 聖裁等因奉

聖旨是欽此又於兵科抄出兵科都給事中梁問孟等題  
爲議撫賞以一薦志以杜累端事禮科都給事中陸

樹德等題爲慎酌封貢未安事宜以杜後累事吏科  
都給事中雒遵等題爲懇乞嚴諭議臣預止虜使入  
京以永防後患事俱奉

聖旨該部知道欽此通抄到部臣等會同戶部尚書臣張  
寧直等禮部尚書無翰林院學士臣呂調陽等看得  
總督宣大山西軍務太子太保兵部尚書王崇古題  
稱順義王俺荅請乞四事其一謂請給印信其二謂  
貢使入京其三謂鐵鍋互市其四謂撫賞夷屬又欲  
天語叮嚀示該部以意嚮免照去歲執議阻抑一節臣等  
竊惟自北虜納款以來邊氓免鋒鏑之苦所全活者



其徒寔繁帑藏轉輸之勞所存省者其麗不億外  
慮頓息內治聿修即一時寧謐之功誠千載休明之  
會所據總督王崇古具題前因先列一綱後分四目  
在總督則殫力苦心無非俯順夷情以爲內安之權  
在臣等與科臣則長顧却慮無非仰尊

國體以爲攘外之經要之以權濟經者無礙法典豈敢  
抑阻以權爲經者有礙法典不敢依違詞若相左意  
實相成合就開立前件議擬上請伏望

皇上特賜宸斷仍令王崇古嚴諭俺荅以後不許年復一  
年輒肆請求以負效忠之名以成啟蒙之漸邊臣幸

其臣等奉甚隆慶六年五月十九日題奉

聖旨依議行欽此

一請給印信臣等看得總督尚書王崇古所陳請給印信一欸大率謂順義王俺荅求給印信榮示諸部以便表貢行使一節爲照

朝廷制禦夷裔惟名與器爲首俺荅荷蒙

聖恩封爲順義王已有其名印信之器自難吝惜况有先年哈密忠順王事例合無俯從所請容臣等禮部照依本王封號鑄給鍍金銀印一顆差官齎送總督官處聽俺荅祇領一應表貢俱要用印恭進領後光具

番表謝恩以彰

天朝優異之典臣等未敢定擬

一請貢使入京臣等看得總督尚書王崇古所陳貢  
使入京一款大率謂順義土俺答求伊子姪孫貢使  
十五名入京其餘各枝聽貝馬至再議一節爲照貢  
使不許入京俱留邊城夷酋應貢馬匹督撫差官代  
進先該兵部會官議擬奉

欽依乃今吏科則稱臣工軍民以忠知其不可仰知

聖心亦必以爲大不可禮科則緝察其入京有五不可無  
非杜漸防微以謹華夷之辨安難別議但查得各處

夷使入京必蒙

欽賜筵宴簡命勳臣待宴仍厚加賞賚合無將今次順美王俺荅貢使一十五名并各枝夷使聽王崇古開名送部除本鎮總督撫鎮官從宜宴賞外容臣等禮部題差光祿寺署丞一員齎捧各夷使應賞表裏等物親詣該鎮頒給仍就被動支官錢查照本寺規格備辦

欽賜筵宴優待待宴重臣就命該鎮鎮守總兵官臣等未敢定擬

一請鐵鍋五市臣等看得總督尚書王崇古所陳鐵

鍋互市一欸大率謂生廣鍋十斤炒煉鐵得五斤尚  
未堪打造生潞鍋十斤炒煉僅得三斤價賤三倍要  
將價賤煉少者許虜仍以破舊鍋易新鍋都給事中  
梁問孟等則謂鐵鍋虜中食用之具必不可缺華夷  
之所以盛衰亦不係此各一節爲照廣潞二鍋以煉  
精雖有多寡之別以鐵斤均犯斷絕之禁但虜中食  
用既不可缺必須別爲區處方見懷柔之意臣博往  
年巡撫甘肅屢嘗擒斬虜寇見其奪獲夷器其中多  
有銅鍋詢之歸正之人咸謂虜人晝以炊食夜以司  
警蓋卽古刀斗之意且遼東開市止是撫賞方用廣

鍋原無以鐵鍋交易之例即使准市鐵鍋此時方行  
奏請固已緩不及事合無聽總督王崇古督行三鎮  
撫鎮等官動支官銀或浴行兵部處發官銀于出產  
銅鍋地方差官收買運至邊鎮止照鐵斤價值給虜  
較其價銅貴于鐵鐵賤于銅在今日無事之時似覺  
稍費論其貯鐵可爲兵銅不可爲兵在他日有事之  
時自是無傷若虜必要粗重之鐵鍋不要輕巧之銅  
鍋則其藉兵資糧之意明白顯著益當禁斷無疑臣  
等愚見如此

一請給虜首親屬窮民撫賞臣等看得請給虜首親

屈窮夷撫賞一欵在總督尚書王崇古則極言虜中  
窮迫之狀勢不可已在都給事中梁問孟等則計慮  
塞上轉輸之難後恐難繼臣等反復參詳虜之入寇  
也人得肆掠利則歸于部落虜之納欵也賞獨專給  
利則歸于酋長饑寒困苦出於無聊鼠竊狗偷勢所  
必至但一枝既得撫賞各枝必然覬覦錢糧有限求  
乞無窮必須處分得宜庶幾經行可久合無行令總  
督王崇古將請給虜親窮夷撫賞事宜公同撫鎮官  
再加斟量定為畫一之規既不宜拒之弗予以失  
天朝無外之仁亦不宜與之無章以虧中國有常之費其

各鎮原議撫賞銀兩如果不足准予減削并原給公  
費賞功銀內充用此外仍聽每鎮再動節餘客餉銀  
各一萬兩歲終備造文冊開送戶兵二部查考

會請端政本以隆 新治疏

題爲懇乞

聖明端政本以隆

新治事本年六月初十日臣等恭趨入

朝於時陰雲尚合霏雨微零

皇上一登寶位天漸開朗及至宣讀之時杲日大出萬景

一新知



九穹之歆鑒見群黎之歡騰臣等躬逢

盛事無任欣慶但臣等叨列股肱義同休戚偶有一得之愚不敢不爲芹曝之獻即今

梓宮在殯

山陵經始一切禮儀極其繁多然其重且大者在于恭上  
大行皇帝尊謚尊上

兩宮聖母徽稱其次則賞賚宗藩封爵戚畹顧禮有後先  
事有輕重先其輕而後其重則事體未安先其重而  
遺其輕則輿情未協當

一人踐祚之初實四海仰觀之會必須提挈綱維方能根

極領要伏望

聖明特賜鑒察勅下內閣重臣將應行事宜逐一查議明白先行開奏大略如某事談某日上下某部行某事談某日上下某部行裁酌既定以次修舉仍乞查照累朝故事內外章奏應票擬者不拘大小悉令閣臣票擬中外傳帖應視草者無論巨細悉令閣臣視草即有未愜

聖心不妨召至便殿面相質問務求至當然後渙發二三閣臣世受國恩新承

顧命必不忍負

先帝必不敢負

陛下惟願

陛下推心委任始終無二庶幾明良慶會而  
新政有光上下志同而成憲無爽固

皇祖磐石之宗慰

先帝憑主之望天下生靈不勝幸甚臣等不勝幸甚隆慶

六年六月十一日題奉

聖旨卿等說的是都依行欽此

覆都給事中梁問孟等申飭秋防疏

題爲

武政方新秋防伊邇懇乞嚴加振飭以圖安攘實效事  
方清吏司案呈奉本部送兵科抄出兵科都給事中  
梁問孟等題奉

聖旨兵部知道欽此抄出送司案呈到部看得兵科都給  
事中梁問孟等具題前因大率有四其一山西宣大  
俺荅雖稱納款且銅鍋給市其議未已親屬求賞其  
數難周其一陝西三邊吉能雖故其長子西捨未回  
然把都兒黃台吉禁令未必能行於部落而銀錠合  
吉等去年移住鎮番近境搶掠其一薊昌爲京師肩  
背實東北藩籬土蠻爲梗邇者騷擾雖在遼東而境

界實與剡鎮連接且老把都永邵卜二枝陽順陰逆  
各懷異謀萬一與土蠻勾結聚衆大舉則 陵京震  
動補練主兵減退客兵之外尤當固墩臺塞要害精  
器械積儲時務期以守爲戰其一遼剡聲勢相倚土  
蠻侵擾雖嘗遭挫劔在我士卒甚疲在彼常憤心於  
一逞加之天變異常火災疊見及時撫恤乃第一義  
各一節焉照自遼東以至甘肅東西九邊咸與北虜  
爲鄰宣大山陝雖稱納款是有積薪厝火之憂剡鎮  
遼東雖暫平寧當嚴戶牖繆綢之戒即目九夏將終  
三秋伊始虜情既迴異於往時機宜自難拘於常套

所據該科具題前因九邊事體宛然如在目中相應通行依擬申飭合候

令下移文各邊督撫等官在宣大山陝則當外示羈縻內修戰守虜果謹守貢市照常撫待不可橫挑豎端速將內治事宜如錢糧兵馬險隘屯田鹽法等項悉心整理虜若邀求無已別有反側即便嚴兵隄備不得委曲遷就示之以弱以貽潰決之患在薊昌遼東亟將主兵不足之數遵奉

詔書著實練補果有警報彼此互相應援至於賑恤軍士禁戢剋削又九邊之所同者大抵一方之事全在總

督鎮巡於西虜服則撫之叛則勦之機常在我注措  
自不失宜於東虜來則禦之去則置之屈常在彼戰  
守自有定畫通候防秋事竣之日各該官員功罪自  
兵備副叅以下悉聽舉劾仍聽大臣至日閱視如或  
處置乖方偏執誤事國典具存自難輕貸隆慶六年  
六月二十日題奉

聖旨是欽此

辭免掌銓 新命疏

奏爲懇乞

天恩辭免

新命事隆慶六年六月二十一日准吏部咨該本部題  
印信緣由奉

聖旨楊博著回部管事欽此欽遵備咨到臣伏念微臣本  
以駑蹇之才幸際

雲龍之會雖出入中外四十餘年定於

昌時毫毛無補往緣愚直誤觸柄臣竊伏丘園分甘永弃  
荷蒙

先帝日月之明特昭屈抑乾坤之量亟賜湔滌仍以銓卿  
召攝樞政臣感激

鴻慈莫知所報受任以來百爾戎務方在整飭詎意



皇恩優渥復畀臣以鈞衡之寄聞 命自  
天不勝惶悚仰惟

皇上嗣登寶位景運休明

親綜萬幾勵精圖治昨者

召閣臣直至平臺

天語叮嚀資其佐理此誠

重華協帝之時群雋彙征之際而吏部尚書責在統均

新政之初尤爲要職自非公明博大弗能辨別九德臣則

智識媿淺自非強幹嬰鏢弗能總核庶府臣則年力

衰遲捫心循省悉出在 廷諸臣之下若不審已量

力冒昧就列上負

九重側席之知下貽四海妨賢之誚臣之罪戾茲又甚矣  
用是披瀝悃誠仰干

天聽伏望

聖明鑒臣詞出由衷原非矯飾收回

成命容臣照舊管理兵部事務別選名碩以典邦治臣無  
任屏營懇切之至隆慶六年六月二十一日奏奉

聖旨卿

先朝耆碩德望素隆銓衡舊任特茲簡畀已有成命不允  
辭著便到任管事吏部知道欽此

楊襄毅公本兵疏議卷二十四終

卷二十四

終

楊襄毅公本兵疏議卷二十四終

楊襄毅公本兵疏議卷二十四終